



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 859. Usque Ad Annum 887

**Fleury, Claude**

**August. Vind. [u.a.], 1760**

**VD18 90117875**

§. 15. Actardi Nannetensis Translatio.

---

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

Præterea dicunt Episcopi, nolle se Hinc-  
 mari Laudunensis negotiis amplius tur-  
 bari, si Papa eorum Judicium nullum  
 declaraverit. Tandem commendant  
 Papæ Actardum Nannetensem, electum  
 Episcopum Turonensem, cui acta hujus  
 Concilii deferenda commiserunt. Hæc  
 Epistola sexta Septembris anno octingen-  
 tesimo septuagesimo primo data.

## §. XV.

*Actardi Nannetensis Translatio.*

Suo quoque nomine Hincmarus Remen-  
 sis ad Papam dedit Epistolam, in qua  
 statim causam Actardi tractans ad Papam  
 dicit: *Curam ejus, ut jusseras, in me su-  
 scipi, atque a Normannis & Britonibus  
 e Sede sua ejecto, Rege & Suffraganeis  
 meis consentientibus, concessi, ut Mona-  
 sterio Episcopali in quadam Ecclesia pro-  
 vinciæ meæ vacante fungeretur (erat hæc  
 Ecclesia Teruanensis) sed Episcopus Ti-  
 tularis esse non poterat, quia quæ de Bo-  
 nis Ecclesiæ Nannetensis supersunt, a no-  
 stra provincia multum distant, & Cano-  
 nes duarum provinciarum Episcopum esse  
 non permittunt. Nunc vero cum postu-  
 letur a Clero populoque Ecclesiæ Metro-  
 politicæ Turonensis, in qua baptizatus,  
 Tonsuram accepit, & per omnes gradus  
 usque ad Episcopatum promotus est, mit-  
 timus eum tibi, Archiepiscopum Titula-*

Kk 2

rem

Sæculum IX.  
A. C. 871.

p. 1658.

Sæculum IX. *rem bujus Ecclesiæ ordinandum; (\*) ita*  
A. C. 871. *tamen ut ipso defuncto Successor ejus a*  
*Clero populoque eligatur, & ab Episco-*  
*pis ejusdem provinciæ secundum Canones*  
*ordinetur.*

Hincmarus Remensis deinde ad cau-  
 sam Hincmari Laudunensis transit, &  
 postquam ejus facta vituperavit, & que-  
 stus est, quod ipsum sæpissime sed fru-  
 stra emendare conatus fuisset, addit;  
 nolle, sibi quidquam commercii amplius  
 cum illo esse, nec eum pro Suffraganeo  
 suo habere. *Mallem, inquit, mihi ocu-*  
*lum, pedem vel manum adimi, quam cum*  
*isto viro amplius in cassum jurgari.*  
*Jamque hæc mea ætas est, ut mihi cogi-*  
*tandum sit de pace, in qua mortem oppete-*  
*tere cupio.* Tandem Papæ rationem red-  
 dit de causa cujusdam Parochi suæ Dice-  
 cesis, nomine Trisingi, qui, cum inca-  
 luisset mero, virum, interimere volens,  
 vulnere inflicto debilitaverat. Is ab  
 Hincmaro depositus, querelas ad Papam  
 detulerat.

p. 1663.

*Opusc. 45.*  
*to. 2. p. 741.*

His non obstantibus, quibus Hinc-  
 marus in hac ad Papam Epistola Actar-  
 dum commendat, ex alia Epistola exin-  
 de scripta dispicitur, quod sibi hæc trans-  
 latio

(\*) Inde patet, Hincmarum credidisse, so-  
 lius Summi Pontificis esse, Episcopos ab una  
 Ecclesia ad aliam transferre,

latio non probaretur. Nam cuidam E-Sæculum IX.  
 piscopo se hac de re consulenti respon- A. C. 871.  
 dit; Episcopos non ideo constitui, ut  
 honore, qui eorum Dignitatem comita-  
 tur, & redditibus fruerentur, sed ut sa-  
 lutem animarum curarent. Unde bo-  
 nos pastores nunquam vel honorum vel  
 divitiarum cupiditate permotos ab una  
 civitate ad aliam transire oportere.  
 Deinde de facto peculiari loquens ait;  
 Actardum non debuisse deserere civita-  
 tem Nannetensem, si ibi manere, nec ad  
 Sedem Turonensem vocari, si alius æque  
 dignus inveniri potuisset, utramque ve-  
 ro Ecclesiam regere contra Canones ma-  
 nifeste pugnare.

p. 749.

Ut deinde ostenderet, quod Actar-  
 dus Nanneti remanere posset, si vellet,  
 dicit; esse civitatem, in qua Comes re-  
 sideret, ubi habitarent Clerici, Laicique  
 tam nobiles quam ignobiles. In illa  
 Diœcesi degere agricolas atque etiam  
 Judæos. *Nunc vero, inquit, cur Epis-  
 copus, nec uxore nec liberis oneratus  
 in illa civitate sustentari non possit,  
 in qua Comes, vir ligatus, conjugio,  
 familiam suam alere potest, etiamsi inter  
 paganos degat? & multo magis, quod  
 Episcopus ille a Regis munificentia Ab-  
 batias & prædia obtineat? Cum ergo di-  
 cit, Nanneti Clericos numero sufficien-  
 te existere, qui populum suo Ministerio*

p. 769.

p. 756.

Kk 3

adju-

Sæculum IX. *adjuvent, sed abesse facultates, quibus*  
A. C. 871. *Dignitas Episcopalis fulciatur, cupiditate abstractus loquitur. Quid autem, quoniam ipsum Dei consilia latent, si inter paganos illam civitatem incolentes, aliqui ad vitam essent prædestinati, qui forte, Episcopo verbum Dei prædicante, converterentur? Saltem manere deberet, & Tributum Infidelibus pendere, quod Patriarcha Jerosolymitanus, Christiani Cordubæ, & in aliis Hispania civitatibus faciunt. Ex hac Epistola cognoscimus, Hincmarum, cum Actardum commendasset, non ex proprio sensu, sed ex Regis jussu scripsisse.*

## §. XVI.

*Epistolæ Constantinopoli ad Papam datæ.*

*io. 8. Cont.*  
*p. 1170.*

**I**nter hæc Basilius Imperator & Ignatius Patriarcha Epistolas ad Hadrianum Papam, Abbate Theognosto, qui Romam revertebatur, deferente, dederunt. Patriarcha Papam consulebat de Lectoribus a Photio ordinatis, quorum maximus in omnibus locis Ecclesiæ Constantinopolitanæ subjectis numerus erat, ad ordines altiores promoveri possent.

*Sup. L. LI.*  
*§. 30.*

Petebat etiam, ut Papa dispensationem concederet Paulo Ecclesiæ Constantinopolitanæ Chartophilaci, cui, a Photio in Archi-